

Sier Alvise Pixani procurator, ducati 2000	138.14
Sier Francesco di Prioli procurator e sier Ferigo qu. sier Marco, ducati 2000 . . .	147. 9
Sier Benedetto di Prioli, qu. sier Francesco, ducati 2000.	142.11
Sier Matio di Prioli qu. sier Francesco, ducati 2000	145.10
Sier Vettor Grimani procurator ducati 2000	154.10
Sier Polo e sier Hironimo di Prioli qu. sier Domenego, ducati 1000	146.10
Sier Vicenzo di Prioli qu. sier Lorenzo, ducati 2000	145.10
Sier Ferigo Contarini qu. sier Ambruoso, ducati 1000	138.15
Sier Francesco e sier Zacaria Barbaro qu. sier Daniel, ducati 2000	142.13
Sier Zuan Capello qu. sier Lorenzo, ducati 2000	144.10
Sier Antonio e Anzolo Corer qu. sier Zuane, ducati 2000	141.10
Sier Zuan Corner di sier Zorzi el cavalier procurator, ducati 2000	142.13
Sier Zuan Emo qu. sier Zorzi el procurator, ducati 2000.	136.24
Sier Fantin Corner qu. sier Hironimo, ducati 2000	144.13
Sier Jacomo Malipiero qu. sier Hironimo, qu. sier Dario, ducati 1000	144.12
208 Sier Ferigo Contarini qu. sier Alvise, ducati 2000	140.16
Comissaria sier Alvise Loredan, qu. sier Polo, qu. sier Francesco, ducati 1000	144.13
Sier Andrea Diedo qu. sier Antonio, ducati 1000	147.11
Sier Antonio e Marin Capello qu. sier Battista, ducati 2000	145.12
Sier Alvise Dolfin qu. sier Hironimo, ducati 1000	143.17
Sier Francesco Sanudo qu. sier Anzolo, ducati 2000	138.21
Hironimo de Andrea mercadante, ducati 1000	149.10
Sier Alvise di Prioli qu. sier Marco, ducati 2000	141.14
Sier Piero Soranzo qu. sier Zuane, qu. sier Vettor, ducati 1000	139.15
Sier Alvise di Prioli qu. sier Marco, altri ducati 1000	143.14

Et tutti rimaseno et haveno il numero di le balote da 150 in suso. Il banco de li Molini et Ari-

mondo non bisognò più balotar li piezi, perchè quando i levono fono ballotadi et haveno il numero iusta la forma di la parte.

*Sumario e copia di uno capitolo di lettere di 209
Lisbona, date a dì 8 de April 1524, scrite
per Francesco da la Factà, drizate a sier
Marco da Molin procurator et ricevute a dì
18 Mazo in Venetia.*

Questa armata per la India per ancora non è partita, e non atende salvo il tempo buono; saranno 14 vele, infra le quale vi sono 8 grosse nave, e di tutto vanno benissimo a ordine: Idio le conduca Di là è venuto un piccolo galeon, se parti in Novembre; da nuove che questo anno debbe venire buona somma de specie, se già non manca partiti, che verà alcuno mancamento d'esse. Le nuove ci sono di là sono di molto momento. Lo havevan perduto alcune zente in la Cinia perchè quelli di la terra messeno in fondo et do nave con le zente, di modo che ben costa a costoro mantenere la India e bisogna cadauno mandano gente nuova e grosso capitale, e questa armata costerà ducati 350 milia, di che ducati 100 milia levono contanti. Le navi de castigliani per questo anno non anderano a Molucho. Per quello se intende, existimano s'habbino a levare da la impresa: poi vogliono stare a ragione, che di presente si trovano d'una parte e l'altra persone pratiche per volere quello è iustitia; e presto si doverà sapere quello habbi ad essere, che Idio sempre di buon mandi. Per Fiandra, come si dice vanno quattro nave, che portano zerca la mità de le specie del contrato si fece nuovamente come se vi dete notitia; piazza a Idio condurlo a bon salvamento. Idio vi conservi in prosperità e di mal vi guardi.

Lettera dil dito, di 16. Come spazano uno corrier per il Re in molta diligentia. Habiamo auto la vostra di 27 Novembre, vista a l'usato volentieri. Intendiamo per essa come le galee di Baruto gionseno costì vote per non esser specie in Soria; atendosi da poi vi sia gionta la charavana, che vi s'aspetava, che si pensa, per la gran peste vi regnava, poche specie habbiano a venire per le galee di Alexan- 209
dria. Si atende nuove di là et 4 nave destinate per Fiandra partirono como vi si disse. Levano cercha la mità de le specie del grando, Idio le mandi salve. E sopra di una d'esse va il nostro Joan Carlo delli Affetati per far li nostri negozii, e lieva balle a comodità. L'armada per la India alfin parti; ma non